

初五日丙夜又聞

水經注箋卷第二十八

漢 桑欽撰 後魏酈道元注

明 李長庚訂 孫汝澄


朱謀埠箋 李克家全校

沔水中

沔水又東過襄陽縣北

沔水又東逕方山北山上有鄒恢碑魯宗之所立也山下潭中有杜元凱碑元凱好尚後名作兩碑竝述已功一碑沈之峴山水中一碑下之於此潭曰百年之後何知不深谷為陵也山水曲之隈

國家圖書館, NATIONAL CENTRAL LIBRARY, TAIWAN, R.O.C.



云漢女昔遊處也故張衡南都賦曰遊女弄珠於漢臯之曲漢臯即方山之異名也

汧水又東合檀谿水

水出縣西柳子山下東為鴨湖湖在馬鞍山東北

武陵王愛其峯秀改曰望楚山谿水自湖兩分北

渠即谿水所導也北逕漢陰臺西臨流望遠按眺

農圃情邈灌疏意寄漢陰故因名臺矣莊子云子貢南游於

楚反於晉過漢陰見一丈人方為圃畦鑿隧而入井抱甕而出灌子貢教之鑿木為榘挈水若抽為

圍者笑曰有機械者必有機事吾非不知羞而不為也又北逕檀谿謂之檀

谿孫云谿下側有沙門釋道安寺即谿之名以表

水自後患除無復蛟難矣昔張公遇害亦以劍於

是水後雷氏為建安從事逕踐瀨溪所留之劍忽

於其懷躍出落水初猶是劍後變為龍雷次宗豫章記云雷

孔章為豐城令於縣掘得二劍以一進司空張華後華遇害此劍飛入襄城水中孔章臨亡戒其子

恒以所留之劍自隨後其子為建安從事經淺瀨劍忽於腰間躍出遂見二龍相隨而去故吳

均劍騎詩云劍是兩蛟龍張華之言不孤為驗矣

汧水又逕平魯城南


城魯宗之所築也故城得厥名矣東對樊仲山甫

所封也漢晉春秋稱桓帝幸樊城百姓莫不觀有

一老父獨耕不輟議郎張溫使問焉父笑而不答

道元與吳均同時安得引用其詩疑此書後人附益者多矣

東林東對樊城脫一城字



溫因與之言問其姓名不告而去城周四里南半  
 淪水建安中關羽圍于禁於此城會汚水泛溢三  
 丈有餘城陷禁降龐德奮劍乘舟投命於東岡魏  
 武曰吾知于禁三十餘載至臨危授命更不如龐  
 德矣城西南有曹仁記水碑杜元凱重刊其後書  
 伐吳之事也

又從縣東屈西南消水從北來注之


襄陽城東有東白沙白沙北有三洲東北有宛口  
 卽清水所入也

汚水中有魚梁洲

龐德公所居士元居漢之陰在南北沙世故謂是  
 地爲白沙曲矣司馬德操宅洲之陽望衡對宇懽  
 情自接泛舟褰裳率爾休暢豈待還桂柁於千里  
 貢深心於永思哉水南有層臺號曰景升臺蓋劉  
 表治襄陽之所築也言表盛遊於此常所止憩表  
 性好鷹嘗登此臺歌野鷹來曲其聲韻似孟達上  
 堵吟矣

汚水又逕桃林亭東

又逕峴山東山上有桓宣所築城孫堅死於此又  
 有桓宣碑羊祜之鎮襄陽也與鄒潤甫嘗登之及



洞字以松陵  
集校

沔水又東南逕蔡洲

漢長水校尉蔡瑁居之故名蔡洲

襄陽者舊傳云蔡瑁字德珪性

豪自喜少為魏武所親瑁家在蔡洲上屋宇甚好四牆皆以青石結角婢妾數百人別業四五十處

洲大岸西有酒湖停水數十畝長數里廣減百步

水色常淥楊儀居上酒楊顥居下酒

襄陽者舊傳云楊儀字威

公為蜀相諸葛亮長史亮出軍儀常規畫分部籌度糧穀不稽思慮須臾便了楊顥字子昭為丞相

亮主簿後嘗為東曹屬典選舉及顥死亮與蔡洲泣三日曰楊曹非楊顥於朝中多損益矣

相對在峴山南廣昌里又與襄陽湖水合水上承

鴨湖東南流逕峴山西又東南流注白馬陂水又

東入侍中襄陽侯習郁魚池郁依范蠡養魚法作

大陂陂長六十步廣四十步池中起釣臺池北亭

郁墓所在也列植松篁於池側沔水上郁所居也


又作石伏逗引大池水於宅北作小魚池池長七

十步廣十二步西枕大道東北二邊限以高堤楸

竹夾植蓮芡覆水是遊宴之名處也山季倫之鎮

襄陽每臨此池未嘗不大醉而還恒言此是我高

陽池故時人為之歌曰山公出何去往至高陽池



日暮倒載歸。酩酊無所知。其水下入沔。沔水西又有孝子墓。河南秦氏。性至孝。事親無倦。親沒之後。負土成墳。常泣血。墓側人有咏蓼莪者。氏為泣涕。悲不自勝。於墓所得病。不能食。虎常乳之。百餘日。卒。今林木幽茂。號曰孝子墓也。其南有蔡瑁冢。冢前刻石為大鹿狀。甚大。頭高九尺。制作甚工。


沔水又東南。邑城北。宋本作東南。邈邈城北。

習郁襄陽侯之封邑也。故曰邑城矣。襄陽耆舊傳。習曰。郁字文通。

為黃門侍郎。封襄陽公。

沔水又東合洞口。


水出安昌縣故城東北。大父山西南流。謂之白水。又南逕安昌故城東。屈逕其縣南。縣故蔡陽之白水鄉也。漢元帝以長沙卑濕。分白水上唐二鄉為舂陵縣。光武即帝位。改為章陵縣。置園廟焉。魏黃初二年。更從今名。故義陽郡治也。白水又西南流。而左會昆水。水導源城東南小山。西流逕今山北。又西南流。逕縣南。西流注于白水。水北有白水陂。其陽有漢光武故宅。基址存焉。所謂白水鄉也。蘇伯河望氣處也。光武之征秦豐。幸舊邑。置酒極歡。張平子以為真人南巡。觀舊里焉。東觀漢記曰。明




帝幸南陽祀舊宅召校官子弟作雅樂奏鹿鳴上  
 自御墳麓和之以娛賓客又於此宅矣白水又西  
 合澧水水出于襄鄉縣東北陽中山西逕襄鄉縣  
 之故城北按郡國志是南陽之屬縣也澧水又西  
 逕蔡陽縣故城東西南流注于白水又西逕其城  
 南建武十六年世祖封城陽王祉世子本為侯國  
 應劭曰蔡水出蔡陽東入淮今於此城南更無別  
 水唯是水可以當之川流宋本西注苦其不東且  
 淮源岨礙山河無相入之理蓋應氏之誤耳洞水  
 又西南流注于沔水

又東過中廬縣東淮水自房陵縣淮山東流注之

縣即春秋廬戎之國也縣故城南有水出西山山  
 有石穴出馬謂之馬穴山漢時有數百匹馬出其  
 中馬形小似巴滇馬三國時陸遜攻襄陽於此穴  
 又得馬數十匹送建業蜀使至有家在滇池者識  
 其馬毛色云其父所乘馬對之流涕其水東流一  
 百四十里逕城南名曰浴馬港言初得此馬洗之  
 於此因以名之亦云乘出沔次浴之又曰洗馬既  
 渡沔宿處名之曰騎亭然候水諸蠻北邊是水南  
 壅淮川以周田溉下流入沔





汜水東南逕黎丘故城西

淪疑作滄

其城下對繕州秦豐居之故更名秦洲王莽之敗也秦豐阻兵於黎丘黎丘城在觀城西二里建武三年光武遣征南岑彭擊豐四年朱祐自觀城淪豐於黎丘是也後漢書作圍汜水又南與疎水合水出中廬縣西南東流至卽縣北界東入汜水謂疎口也水中有物如三四歲小兒鱗甲如鯪鯉射之不可入七八月中好在積中自曝膝頭似虎掌爪常沒水中出膝頭小兒不知欲取弄戲便殺人或曰人有生得者摘其臯厭可以小使名爲水唐


又南過卽縣東北一作

者也後漢郡國志注引盛氏荆州記云生得者臯其臯厭可小小使名爲水廬十道志引襄陽記云或有生得者摘其臯可小小使之名曰水廬孫云臯厭者水虎之勢也可爲媚藥善使內也亭也縣故楚邑也秦以爲縣漢高帝十二年封黃

極忠爲侯國孫云按史記年表黃極忠封卽侯漢書音義口巨已及索隱曰卽縣屬南縣南有黃家墓墓前有雙石闕彫制甚工俗謂

之黃公闕黃公名尚爲漢司徒汜水又東逕豬蘭橋橋本名萊蘭橋宋本作木蘭橋橋之左右豐蒿莪於橋東劉季和襄陽耆舊傳云劉洪字季和沛國相人也晉大安中持節南蠻校尉荆州刺史

後漢有木蘭之文  
洪即劉和  
和晉陽秋作



水經注卷之二十一

計平途賊張昌時荆部守宰多缺洪請補選敏玘  
銓德隨才補授甚為論者所稱勸課農桑寬刑省  
賦歲用有年百姓愛悅

大養豬襄陽太守曰此中豬屎臭可  
易名豬蘭橋百姓遂以為名矣橋北有習郁宅宅  
側有魚池池不假功自然通洫長六七十步廣十  
丈常出名魚

沔水又南得木里水會

楚時於宜城東穿渠上口去城三里漢南郡太守

伍寵王海二十一卷又鑿之引蠻水灌田謂之木

里溝逕宜城東而東北入于沔謂之木里水口也

又南過宜城縣東夷水出自房陵東流注之

夷水蠻水也桓温父名夷改曰蠻水按晉書桓温父名彝官宜

城太守此云名夷蓋嫌音之同也夷水導源中廬縣界康狼山山

與荆山相隣其水東南流歷宜城西山謂之夷谿

又東南逕羅川城故羅國也又謂之鄢水春秋所

謂楚人伐羅渡鄢者也夷水又東南流與零水合

零水即沔水也謝云沔一作沔疑作沔上通梁州沒陽縣之

默城山司馬懿出沮之所由其水東逕新城縣之

沔鄉縣分房陵丘謂之沔水又東歷軫鄉謂之

軫水晉武帝平吳割臨沮之北鄉中廬之南鄉立


上黃縣治軫鄉沔水又東歷宜城西山謂之沔谿



東流合於夷水謂之沔口也與夷水亂流東出謂之淇水逕蠻城城南在宜城南三十里春秋莫敖自羅敗退及鄢亂次以濟淇水是也夷水又東注于沔昔白起攻楚引西山谷水卽是水者也舊場去城一百許里水從城西灌城東入注爲淵今鬪斗陂是也水潰城東北角百姓隨水流死於城東者數十萬城東皆臭因名其陂爲臭池後人因其渠流以結陂田城西陂謂之新陂覆地數十頃西北又爲土門陂從平路渠以北木蘭橋以南西極土門山東跨大道水流周通其水自新陂東入城

高整  
惠林云當作

城故鄢郢之舊都秦以爲縣漢惠帝三年改曰宜城其水歷大城中逕漢南陽太守秦頡墓北墓前有二碑頡郡人也宋本作郡人也以江夏都尉出爲南陽太守逕宜城中見一家東向頡住車視之曰此居處可作冢後卒於南陽喪還至昔住車處車不肯進故吏爲市此宅葬之孤墳尚宋本作尚冢前有二碑城南有宋玉宅玉邑人雋才辯給善屬文而識音也其水又逕金城前縣南門有古碑猶存其水又東出城東注臭池臭池溉出陂水散流又入朱湖陂朱湖陂亦下灌諸田餘水又下入木里溝木



開以權叛國  
而殺之者  
頗夫本意  
事不在此  
時見十  
八年傳百


里溝是漢南郡人守王寵所鑿故渠引鄢水也灌  
田七百頃白起渠溉三千頃膏良肥美更為沃壤  
也縣有太山山下有廟漢末多士其中刺史二千  
石卿長數十人朱軒華蓋同會於廟下荊州刺史  
行部見之雅歎其盛號為冠蓋里而刻石銘之此  
碑於永嘉中始當作始為人所毀其餘文尚有可傳  
者其辭曰峨峨南岳烈烈離明寔敷儁乂君子以  
生惟此君子作漢之英德為龍光聲化鶴鳴此山  
以建安三年崩聲聞五六十里雉皆屋雒縣人惡  
之以聞侍中龐季云山崩川竭國土將亡之占也  
山上有故城太尉陶侃伐杜曾所築也禹貢所謂  
內方山至于大別者也既濱帶沔流寔會尚書之  
文矣晉書杜曾與第五猗分據漢河時陶侃新破  
杜浚乘勝討曾進軍圍石城曾潛襲侃侃敗  
沔水又東右會權口  
水出章山東南流逕權城北古之權國也春秋魯  
莊公十八年楚武王克權權叛圍而殺之遷權於  
那處是也東南有那口城權水又東入于沔  
沔水又東南與陽口合  
水上承江陵縣赤湖江陵西北有紀南城楚文王  
自丹陽徙此平王城之班固言楚之郢都也城西

水經注卷之八

卷之八

十二

漢




南有赤坂岡岡下有瀆水東北流入城名曰子胥  
 瀆蓋吳師入郢所開也謂之西京湖又東北出城  
 西南注于龍陂陂古天井水也廣圓二百餘步在  
 靈谿東江隄內水至淵深有龍見于其中故曰龍  
 陂陂北有楚莊王釣臺高三丈四尺南北六丈東  
 西九丈陂水又逕郢城南東北流謂之楊水又東  
 北路克家云路當作流曰湖水注之湖在大港北港南曰  
 中湖南隄下曰昏官湖三湖合為一水東通荒谷  
 荒谷東岸有冶父城春秋傳曰莫敖縊於荒谷羣  
 帥因於冶父謂此處也春秋水盛則南通大江否  
 十三年魏武平荊州沔南彫散

沔水又逕都縣故城南

古都子之國也秦楚之間自商密遷此為楚附庸  
 楚滅之以為邑縣南臨沔津津南有石山上有古  
 烽火臺縣北有大城即楚昭王為吳所迫絕郢徙  
 都之所謂鄢都盧羅之地也左傳云吳人敗楚舟師楚國大惕於是乎  
遷鄢於都而改紀其政秦以為縣

沔水又東敖水注之

水出新市縣東北又西南太陽山宋本作又西  
 南流逕新市縣北又西南而右合枝水水出大洪




山而西南流逕襄陽郡當作郡縣界西南逕狄城東南左注敖水敖水又西南流注于沔寔曰激口沔水又南逕石城西城因山爲固晉太傅羊祜鎮荊州立晉惠帝元康九年分江夏西部置竟陵郡治此

沔水又東南與白水合

水出竟陵縣東北耶屈山一名盧屈山西流注于沔魯定公四年吳師入郢昭王奔隨濟于成曰謂是水者也又東逕荆城東

沔水自荆城東南流逕當陽縣之章山東

則南迄江隄北逕方城四方城即南蠻府也又北與三湖會故盛弘之曰南蠻府東有三湖源同一水蓋徙治西府也宋元嘉中通路自湖下注楊水以廣運漕楊水又東歷天井北井在方城北里餘廣員二里其深不測井有潛室見輒兵西岸有天井臺因基舊隄臨際水湄遊憩之佳處也楊水又東北流得東赤湖水口湖周五十里城下陂池皆來會同湖東北有大置臺高六丈餘縱廣八丈一名清暑臺秀宇層明通望周博遊者登之以暢遠情楊水又東入華容縣有靈港水西通赤湖水口



地多湖舊本作水口已下周五十里城下陂池

皆會來同克家云當作皆來會同又有子胥瀆蓋入郢所開

也水東入離湖湖在縣東七十五里國語所謂楚

靈王闕為石郭陂漢以象帝舜者也今國語無此石郭象舜語

湖側有章華臺臺高十丈基廣十五丈左丘明曰

楚築臺於章華之上韋昭以為章華亦地名也王

與伍舉登之舉曰臺高不過望國之氛祥大不過

容宴之俎豆蓋譏其奢而諫其失也言此瀆靈王

立臺之日漕運所由也其水北流注于楊水楊水

又東北與祥谿水合水出江陵縣北蓋諸池散流

咸所會合讀以成川東流逕魯宗之壘南當驛

水上有大橋隆安三年桓玄襲殷仲堪於江陵仲

堪北奔縊於此橋祥谿當作祥谿又東注船官湖湖水

又東北入女觀湖湖水又東入于楊水楊水又北

逕竟陵縣西又北納巾吐柘柘水即下楊水也巾


水出縣東一百九十里西逕巾城下城下置巾水


成晉元熙二年竟陵郡上巾水成山得銅鍾七口

言之上府巾水又西逕竟陵縣北西逕楊水謂之

巾口水西有古竟陵大城古郢國也郢公辛所治

所謂郢鄉矣昔白起拔郢東至竟陵即此也秦以





即當為邪


為縣王莽之守平矣世祖建武十三年更封劉隆  
為侯國城傍有甘魚陂左傳昭公十三年公子黑  
肱為令尹次于魚陂者也楊水又北注于沔謂之  
楊口中夏口也曹太祖之追劉備於當陽也張飛  
按云於長坂備得與數騎即趣漢津遂濟夏口是  
也沔水又東得澹口其水承大澹馬骨諸湖水周  
三四百里及其夏水來同澹宋本若滄海洪潭古  
洪澹巨浪縈連江沔故郭景純江賦云其傍側  
當作有珠澹舟濊是也  
又東南逕江夏雲杜縣東夏水從西來注之

自沔水齊  
沔水自杜  
水去古通

即堵口也為中夏水縣故邛亭左傳所為若敖聚  
於邛是也禹貢所謂雲土夢作又故縣取名焉縣  
有雲夢城城在東北  
沔水又東逕左桑

昔周昭王南征船人膠舟以進之昭王渡沔中流  
而沒成於是水齊楚之會齊侯曰昭王南征之不  
復寡人是問屈完曰君其問諸水濱庾仲雍言村  
老云百姓佐昭王喪事於此成禮而行故曰佐喪  
左桑字失體耳  
沔水又東合巨亮水口

水經注卷之八



水經注

卷二十八

十五

二百七十一

水北承亮湖南達于沔

沔水又東得合驛口

庚仲雍言須導村者舊云朝廷驛使合王喪於是因以名焉今須導村正有大斂口言昭王於此殯斂矣

沔水又東謂之橫桑

言得昭王喪處也

沔水又東謂之鄭潭

言鄭武公與王同溺水於是今謂世數既懸為不近情矣斯乃楚之鄭鄉守邑大夫僭言公故世以

為鄭公潭耳

沔水又東得歿沔

言昭王濟自是歿沔故有歿沔之稱王尸豈逆流乎但千古茫昧難以昭知推其事類似是非矣

沔水又東與力口合

有澠水出竟陵郡新陽縣西南河地山東流逕新陽縣南縣治雲杜故城分雲杜立澠水又東南流注宵城縣南大湖又南入于沔水是曰力口

沔水又東南澗水入焉

沔水又東逕沌水口水南通縣之太白湖湖水東

死河當是河之枯瀆

水經注

卷二十八

十五

田

水經注卷二十一  
南通江又謂之沌口

沔水又東逕沌陽縣北

處沌水之陽也沔水又東逕林鄣故城北晉建興二年太尉陶侃為荊州鎮此也

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南至大別入江春秋左傳定公四年吳師伐郢楚子常濟漢而陳白小別至于大別京相璠春秋土地名曰大別漢東山名也在安豐縣南杜預釋地曰二別近漢之名無緣乃在安豐也案地說古漢水


東行觸大別之陂南與江合則與尚書杜預相符但今不知所是矣

沔水與江合流又東過彭蠡澤

尚書禹貢匯澤也鄭玄曰匯回也漢與江鬪轉東城當作其澤矣

又東北出居巢縣南


古巢國也湯伐桀桀奔南巢即巢澤也尚書周有巢伯來朝春秋文公十二年夏楚人圍巢巢羣舒國也舒叛故圍之永平元年漢明帝更封菑丘侯劉般為侯國也江水自濡湏口又東左會柵口水





遵巢湖東逕烏上城北又東逕南譙僑郡城南又  
 東絕塘逕附農山北又東左會清谿水水出東北  
 馬子硯疑作之清谿也東逕清谿城南屈而西南  
 流歷山西南流注柵水謂之清谿口柵水又東左  
 會白石山水水發白石山西逕李鵲城南西流注  
 柵水柵水又東南積而為竇湖中有洲湖東有韓  
 縱山山上有城山北湖水東出為後塘北湖湖南  
 即塘也塘上有潁川僑郡故城也湖疑竇湖水東  
 出謂之竇湖口湖水東出逕刺史山北歷韓縱山  
 南逕流二山之間出王武子城北城在刺史山上

湖水又東逕右塘穴北為中塘塘在四水中水出  
 格虎山北山上有虎山有郭僧坎城水北有趙祖  
 悅城並故東關城也昔諸葛恪帥師作東興隄以  
 遏巢湖傍山築城使將軍全端留略等各以千人  
 守之魏遣司馬昭督鎮東諸葛誕率眾攻東關三  
 城將毀隄遏諸軍作浮梁陳於隄上分兵攻城恪  
 遣冠軍丁奉等登城鼓譟奮擊朱異等以水軍攻  
 浮梁魏征東胡遵軍士爭渡梁壞投水而死者數  
 千塘即東興堤城亦關城也柵水又東南逕高江  
 產城南胡景城北又東南逕張祖禧城南東南流



此即漢志丹楊  
之石城也晉  
以後屬宣城

水經注卷之八

卷之八

三零八

歷而北逕鄭衛尉城西魏事已

已字下尚  
有又字

難用取

悉推舊訪新略究如此又北委折蒲浦出焉柵水

又東南流注于大江謂之柵口水

又東過牛渚縣南又東至石城縣

晉志宣城郡  
有石城縣

經所謂石城縣者即宣城郡之石城縣也牛渚在

姑熟烏江兩縣界中也於石城東北減五百許里

安得逕牛渚而方界石城也蓋經之謬誤也

分為二其一東北流其一又過毗陵縣北為北江

地理志曰毗陵縣舊會稽之屬縣丹徒縣也北二

百里故城本毗陵郡治也舊去江三里岸稍毀

遂至城下城北有楊州刺史劉繇墓淪于江江即

北江也經書在北江則可又言東至餘姚則非考

其逕流知經之誤矣地理志曰江水自石城東出

逕吳國南為南江江水自石城東入為貴口東逕

石城縣北晉太康元年隸宣城郡東合天谿谿水

首受江北逕其縣故城東又北入南江

南江又東與貴長池水合

水出縣南郎山北流為貴長池池水又北注于南

江

南江又南東逕宣城之臨城縣南


水經注卷之八

卷之八

七

太

項本入  
作出



又東合注涇水

南江又東與桐水合

又東逕安吳縣號曰安吳谿又東旋谿水注之水

出陵陽山下逕陵陽縣西為旋谿水昔縣人陽子

明釣得白龍處後三年龍迎子明上陵陽山山去

地千餘丈後百餘年呼山下人令上山半與語谿

中子安問子明釣車所在後二十年子安歿山下

有黃鶴栖其冢樹鳴常呼子安故縣取名焉列仙傳云

陵陽子明者狂人也於旋溪釣得白龍子明懼鱗鱗  
鑽拜而放之後得白魚腹中有書教子明服食之  
法子明遂上黃山採五石脂沸水而服之三年龍  
來迎去止陵陽山上百餘年山去地千餘丈人呼

山下人令上山半吉言谿中子安當來問子明  
車在否後二十餘年子安歿人取葬石山下有黃  
雀來栖其塚邊樹上鳴呼子安云晉咸康四年改曰廣陽縣漢水

又北合東谿水水出南里山北逕其縣東桑欽曰

淮水出縣之東南北入大江其水又北歷蜀由山

又北左合旋谿北逕安吳縣東晉太康元年分宛


陵立縣南有落星山山有懸水五十餘丈下為深

潭潭水東北流左入旋谿而同注南江之比即宛

陵縣界也

南江又東逕寧國縣南

晉太康元年分宛陵置南江又東逕故彰縣南孫



故當故鄆安吉縣北光祿之末天下大亂此保險守節  
漢朝嘉之中平二年分故鄆之南鄉以為安吉縣  
縣南有釣頭泉懸湧一仞乃流于川川水下合南  
江

南江又東北為長瀆歷河口

江南東注于具區謂之五湖口五湖謂長塘湖太

湖射貴湖脫上湖二字溇湖也郭景純江賦曰注五湖

以漫漭蓋言江水經緯五湖而苞注太湖也是以

左丘明述國語曰越伐吳而戰於五湖是也又云

范蠡滅吳返至五湖而辭越斯乃太湖之攝通稱

也虞翻曰是湖有五道故曰五湖韋昭曰五湖今

太湖也尚書謂之震澤爾雅以為具區方員五百

里湖有苞山春秋謂之夫椒山有洞室入地潛行

北通琅邪東武縣俗謂之洞庭旁有青山一名夏

架山山有洞穴潛通脫字庭山上有石鼓長丈餘

鳴則有兵故吳記曰太湖有苞山在國西百餘里


居者數百家出弓弩材旁有小山山有石穴南通

洞庭深遠莫知所極三苗之國左洞庭右彭蠡今

宮亭湖以太湖之洞庭對彭蠡則左右可知也

余安二湖俱以洞庭為目者亦分為左右也但以

邑二作邑




趣焉為方耳既據三苗宜以湘江為正是以郭景  
純之江賦云爰有包山洞庭巴陵地道潛達傍通  
幽岫窈窕山海經曰浮玉之山北望具區茗水出  
于其陰北流注于具區謝康樂云山海經浮玉之  
山在句餘東五里便是句餘縣之東山乃應入海  
具區今在餘姚鳥道山北舊本作北何由北望具區  
也以為郭於地理甚昧矣言洞庭南口有羅浮山  
高三千六百丈浮山東石樓下有兩石數扣之清  
越所謂神鉦者也事備羅浮山記會稽山宜直湖  
南又有山陰谿水入焉山陰縣西四十里有二谿


項本數  
作鼓

東谿廣一丈九尺冬煖夏冷西谿廣三丈五尺冬  
冷夏煖二谿北出行三里至徐村合成一谿廣五  
丈餘而溫涼又雜蓋山海經所謂茗水也北逕羅  
浮山而下注于太湖故言出其陰入于具區也湖  
中有大雷小雷三山亦謂之三山湖又謂之洞庭  
湖楊脩五湖賦曰頭首無錫足蹄松江負烏程於  
背上懷太吳以當胸岝嶺崔嵬穹窿紆曲孫云按  
岝嶺作岞嶺大雷小雷湍波相逐用言湖之苞  
極也太湖之東吳國西十八里有岝嶺山谷說此  
本在太湖中禹治水移進近東又西南有兩小山

泉字以  
意改

三字以  
續圖經  
增定





疑有脫文

皆石如卷竿山云山俗云禹所用孫開當  
山也太湖中有淺地長老云是竿嶺山躡自此以  
東差深言是牽山之溝此山去太湖三十餘里  
東則松江出焉

上承太湖更逕笠澤在吳南松江左右也國語曰  
越伐吳吳禦之笠澤越軍江南吳軍江北者也虞  
氏曰松江北去吳國五十里江側有丞胥二山山  
各有廟國南五十里魯哀公十三年越使二大夫  
疇無餘謳陽等伐吳吳人敗之獲二大夫大夫歿  
故立廟於山上號曰丞胥二王也胥山上今有壇

石長老云胥神所治也下有九折路南出太湖  
閭造以遊姑胥之臺以望太湖也松江自湖東北  
流逕七十里

江水奇分謂之三江口奇分當作岐分爾雅水岐為渚

吳越春秋稱范蠡去越乘舟出三江之口入五湖

之中者也此亦別為三江五湖雖稱相亂不與職

方同庾仲初揚都注曰今太湖東注為松江下七

十里有水口分流東北入海為婁江東南入海為  
東江與松江而三也吳記曰一江東南行七十里

湖為次豁自湖東南出謂之為谷水吳記曰


非徑方鄰注以米長文美都圖經續記

而三下圖經續記有非禹

東字以續圖校經以續圖

出吳小湖逕由卷縣故城下神異傳曰由卷  
縣秦時長水縣也始皇時縣有童謠曰城門當有  
血城陷沒為湖有老嫗聞之憂懼旦往窺城門門  
侍按神記將欲縛之嫗言其故嫗去後門侍煞犬以  
血塗門嫗又往見血走去不敢顧忽有大水長欲  
沒縣主簿令幹入白令令見幹曰何忽作魚幹又  
曰明府亦作魚遂乃淪陷為谷矣因目長水城水  
曰谷水也吳記曰谷中有城故由卷縣治也卽吳  
之柴僻亭故就李鄉橋李之地秦始皇惡其勢王  
令囚徒十餘萬人汗其土表以汗惡名改曰囚卷

亦曰由卷也吳黃龍四年有嘉禾生卷縣改曰禾  
興後太子諱和改為嘉興春秋之檇李城也谷水  
又東南逕嘉興縣城西谷水又東南逕鹽官縣故  
城南舊吳海昌都尉治晉太康中分嘉興治太康  
地道記吳有鹽官縣樂資九州志曰縣有秦逕山  
秦始皇逕此美人死葬于山上山下有美人廟谷  
水之右有馬罽城故司鹽都尉城吳王渢煮海為  
鹽於此縣也是以漢書地理志曰縣有鹽官東出  
五十里有武原鄉故越地也秦於其地置鹽官縣  
志曰縣故武原鄉也後縣論為柘湖又徙治




武原縣王武漢安  
之地又淪為湖今之當湖也後乃移此縣於望山秦始皇所登以望東海故山得其名焉谷水於縣出為散浦以通巨海光熙元年有毛民三人集於縣蓋汎於風也  
又東至會稽餘姚縣東入于海


謝靈運云具區在餘姚然則餘暨是餘姚之別名也今餘暨之南餘姚西北浙江與浦陽江同會歸海但水名已殊非班固所謂南江也郭景純曰三江者岷江松江浙江也然浙江出南蠻中不與岷江同作者述誌多言江水至山陰為浙江今南江枝分歷烏程縣南過餘姚縣則與浙江合故明十三州志曰江水至會稽與浙江合浙江自臨平湖南通浦陽江又於餘暨東合浦陽江自秦望分派東餘姚縣又為江也東與車箱水合出車箱山乘高瀑布四十餘丈雖有水旱而澍無增減水又東逕葑橋下

臨江有漢蜀郡太守黃昌宅橋本昌創建也昌為州書佐妻遇賊相失後曾於蜀復修葺好

虞翻嘗登山四望誠丁孫







代具時有江南者輒多孔替仲翔之言然住江北

孔替會稽記云昔虞翻嘗登此山望四郭誠子孫曰可留江北居後世祿位滿過于我聲名不及爾然和繼代吳居江南必不是江水又經官倉倉即日南太守虞

國舊宅號曰西虞以其兄光居縣東故也是也即其雙鴈送故處孔替會稽記云虞國為日南太守有惠政出則雙鴈隨軒公還會稽鴈亦隨焉其卒也猶棲於墓不去

江水又東逕餘姚縣故城南

縣城是吳將所築宋太所築也南臨江津北巨海天子所謂滄海浩浩萬里之淵也縣西去會稽

一百四十里因其句餘山宋本作句章山以名馮山左


姚之南句章之北也江水又東逕穴湖塘湖沃其一縣並為良疇天

江水又東注于海




是所謂三江者也故子胥曰吳越之國三江環之民無所移矣但東南地卑萬流所湊濤湖地成川枝津交渠世家分畛故川舊瀆難以取雖麤依縣地緝綜所纏亦未必一得其實也

國家圖書館, NATIONAL CENTRAL LIBRARY, TAIWAN, R.O.C.


十月  
初  
陽















國家圖書館, NATIONAL CENTRAL LIBRARY, TAIWAN, R.O.C.









水經注箋卷第二十九

漢 桑欽埤

後魏酈道元 注

明 李長庚訂

孫汝澄

宋 朱謀埠箋

李克家全校

沔水下

潛水

湍水

均水

粉水

白水


泚水

又東過堵陽縣堵水出焉自二分一北流注之


堵水自建平郡界故亭谷東歷新城郡郡故漢中


之房陵縣也世祖建武元年封鄧晨為侯國也漢

房陵郡魏文帝合房陵上庸西城立以為



國立中央圖書館, NATIONAL CENTRAL LIBRARY, TAIWAN, R.O.C.





新城郡以孟達為太守治房陵故縣有粉水縣居

其上故曰上粉縣也堵水之傍有別谿岸側上色

鮮黃舊本作鮮黃孫云當作蟹黃按內經黃如蟹黃者生乃云可噉有言飲

此水者令人無病而壽豈其信乎又有白馬山山

石似馬望之逼真側水謂之白馬塞孟達為守登

之而歎曰劉封申耽據金城千里而更失之乎為

上堵吟音韻哀切有惻人心今水次尚歌之堵水

又東北逕上庸郡故庸國也春秋文公十六年楚

人秦人巴人滅庸庸小國附楚楚有災不救舉羣

蠻以叛故滅之以為縣屬漢中郡漢末又分為上

庸郡城三面際水堵水又東逕方城亭而東北厓

崇山下而北逕堵陽縣南北流注于漢謂之堵口

漢水又東謂之澇灘冬則水淺而下多大石又東

為淨灘夏水急盛川多湍洑行旅苦之故諺曰冬

澇夏淨斷官使命言二灘阻礙

又東過鄖陽縣南

漢水又東逕鄖鄉縣南之西山上有石蝦蟆倉卒

看之與真不別

漢水又東逕鄖鄉縣故城南

謂之鄖鄉灘縣故黎也即長利之鄖鄉矣地理志

曰鄧有關李奇以為鄧子國晉太康五年立以為縣

付印

漢水又東逕琵琶谷口

梁益二州分境於此故謂之琵琶界也

又東北流又屈東南過武當縣東北

縣西北四十里漢水中有洲名滄浪洲庾仲雍漢記謂之千齡洲非也是世俗語訛音與字變矣地說曰水出荆山東西流為滄浪之水是近楚都故漁父歌曰滄浪之水清兮可以濯我纓滄浪之水濁兮可以濯我足余按尚書禹貢言導滄水東流

為漢又東為滄浪之水不言過而言為者明非他

水決入也蓋漢沔水自下有滄浪通稱耳纏絡鄢

郢地連紀郢咸楚都矣漁父歌之不違水地滄浪


洲傳宋本作按考洲傳埤謂洲字亦謠當作經傳宜以尚書為正耳

漢水又東為恨子潭

潭中有石磧洲長六十丈廣十八丈世亦以此洲為恨子葬父於斯故潭得厥名焉所未詳也

漢水又東南逕武當縣故城北

世祖封鄧晨子堂為侯國內有一碑文字磨滅不可復識俗相傳言是華君銘亦不詳華君何代之



系  
士

漢水又東平陽川水注之

水出縣北伏親山南歷平陽川逕平陽故城下又南流注于沔

沔水又東南逕縣城東

又東曾水注之水導源縣南武當山一曰太和山亦曰叅上山山形特秀又曰僊室荊州圖副記曰山形特秀異於衆嶽峰首狀博山香爐亭亭遠出藥食延年者萃焉晉咸和中歷陽謝允舍羅邑宰隱遁斯山故亦曰謝羅山曾水發源山麓逕越山

陰東北流注于沔謂之曾口

沔水又東逕龍巢山下

山在沔水中高十五丈廣員一里二百三十步山形峻峭其上秀林茂木隆冬不凋

又東南逕涉都縣東北宋本作涉都城


故鄉名也按郡國志筑陽縣有涉都鄉者也漢武帝元光元年孫云按史記年表是元封元年封南海守降侯子嘉

為侯國均水於縣入沔謂之均口也

又東南過鄮縣之西南

縣治城城南臨沔水謂之鄮頭漢高帝五年封蕭

均當作均  
沔水下



洛疑作沔

沔水又東南得洛谿口

水出縣西北集池陂東南流逕洛陽城北抗洛谿

谿水東南注沔水也

又南過筑陽東筑水出自房陵縣東過其縣南流注之

沔水又南汎水流注之水出梁州閬陽縣魏遣夏

侯淵與張郃下巴西進軍宕渠劉備軍汎口卽是

水所出也張飛自別道襲張郃於此水郃敗棄馬

升山走還漢中汎水又東脫字巴西歷巴渠北新

城上東逕汎陽縣故城南晉分筑陽立自縣以

何爲侯國也薛瓚曰今南鄉鄮頭是也茂陵書曰在南陽王莽更名南度者也

又南逕穀城東又南過陰縣之西

沔水東逕穀城南而不逕其東矣城在穀城山上

春秋穀伯綏之邑也春秋桓公六年夏穀伯綏來朝墉闔頽毀基


塹亦存沔水又東南逕陰縣故城西故下陰也春

秋昭公十九年楚工尹赤遷陰于下陰是也縣東

有縣令濟南劉熹字德怡魏時宰縣雅好博古學

教立碑載生徒百有餘人不終業而夭者因葬其

地號曰生墳



上水急枉渚崩湍水陸徑絕


又東逕學城南

梁州大路所由也舊說昔者有人立學都於此值世荒亂生徒罔依遂共立城以禦難故城得厥名矣汎水又東流注于沔謂之汎口也沔水又南逕闕林山東本郡陸道之所由山東有二碑其一即記闕林山文曰君國者不躋高堙下先時或斷山岡以通平道民多病守長冠軍張仲踰乃與邦人築斷故山道於宋本此銘其一郭先生碑先生名輔字甫成有孝友悅學之美其女為立碑於此蓋

宋本無年號皆不知何代人也  
沔水又南逕筑陽縣東

又南筑水注之杜預以為彭水也水出梁州新城郡魏昌縣界縣以黃初中分房陵立筑水東南流逕筑陽縣水中有孤石挺出其下澄潭時有見此石根如竹根而黃色見者多凶相與號為受石西南縣故楚附庸也秦平鄢郢立以為縣王莽更名之日宜禾也建武元年世祖封吳財為侯國筑水又東沔注于沔謂之筑口沔水又南逕高亭山東

雜引此事所未詳也筑水又東逕筑陽縣故城



出有壘焉士民奉之所請有驗

沔水又東爲漆灘

新野郡山都縣與順陽筑陽分界於斯灘矣

又東過山都縣東北

沔南有固城城側沔川卽新野山都縣治也舊南陽之赤鄉矣秦以爲縣漢高后四年封衛將軍王恬啓爲侯國沔北有和城卽郡國志所謂武當縣之和聚山都縣舊嘗治此故亦謂是處爲故縣灘


沔水北岸數里有大石激

激當作礮其字从石

名曰五女激

或言女父爲人所害居固城五女思復父怨故立

激以攻城城北今淪於水亦云有人葬沔北墓家將爲水毀其人五女無男皆悉巨富共修此激以全墳宅然激作甚工又云女嫁爲陰縣恨子家貨萬金而自少小不從父語父臨亡意欲葬山上恐兒不從故命言葬我著渚下石磧上恨子曰我由來不奉教今從語遂盡散家財作石冢積土繞之成一洲長數百步元康中始爲水所壞今石皆如半榻許數百枚聚在水中恨于是前漢人襄陽太守胡烈有惠化補塞隄決民賴其利景元四年九月百姓刊石銘之樹碑於此沔水又東偏淺冬月



可涉渡謂之交濟兵戎之交多自此濟晉太康中得鳴石於此水撞之聲聞數里

沔水又東逕樂山北

昔諸葛亮好為梁甫吟每所登遊故俗以樂山為名

沔水又東逕隆中

歷孔明舊宅北亮語劉禪云先帝三顧臣於草廬之中咨臣以當世之事即此宅也車騎沛國劉季和之鎮襄陽也與捷為人李安共觀此宅命安作宅銘云天子舍我于沔之陽聽鼓鞀而承思庶先

哲之遺光蜀志注云劉弘命捷為李興為文其甚美王隱晉書云李興密之子也一名

安後六十餘年永平之五年習鑿齒又為其宅銘焉


潛水出巴郡宕渠縣

潛水蓋漢水枝分潛出故受其稱耳今受當作今爰有大穴潛水入焉通岡山下西南潛出謂之伏水或

以為古之潛水鄭玄曰漢別為潛其穴本小水積成澤流與漢合大禹自通漢疏通即為西漢水也

故書曰沱潛既道劉澄之稱白水入潛然白水與

羌水合入漢是猶漢水也縣以延熙中今已立宕





渠郡蓋古賓國也。今有賓城縣，有渝水。來水上下，皆賓民所居。漢祖入關，從定三秦，其人勇健，好歌舞。高祖愛習之。今巴渝儻是也。縣西北有不曹水，南逕其縣，下注潛水。孫云：按漢志，巴郡賓縣，有車騎將軍馮緄。桂陽太守李溫，冢二子之靈，常以三月還鄉。水暴長，郡縣吏民莫不於水上祭。今所謂馮李也。

又南入于江


庾仲雍云：墊江有別江，出晉壽縣，即潛水也。其南源取巴西，是西漢水也。

湍水出酈縣北芬山，南流過其縣東，又南過冠軍縣東。

湍水出弘農界翼望山，水甚清徹，東南流逕南酈縣故城東。史記所謂下酈也。漢武帝元朔元年封左將黃同為侯國。孫云：按史記，是元封元年。湍水又南，菊水注之。水出西北石澗山，芳菊谿亦言出新谷。蓋谿澗

之異名也。前漢地理志：弘農郡析縣注云：黃水出黃谷，鞠水出析谷，俱東至酈，入湍水。鞠水，即今所謂菊潭也。湍音專。源傍悉生菊草，潭澗滋液，極成甘

美。云此谷之水土，食挹長年。司空王暢、太傅袁隗、太尉胡廣，並汲飲此水，以自綏養。是以君子留心。



司下疑脫一馬字  
凡疑作凡

甘其臭尚矣。菊水東南流入于湍。湍水又逕其縣東南。歷冠軍縣西北。有楚場。高下相承。八重。周十里。方塘蓄水。澤潤不窮。湍水又逕冠軍縣故城東。縣本穰縣之盧陽鄉。宛之臨。駢聚漢武帝以霍去病功冠諸軍。故立冠軍縣以封之。水西有漢太尉長史邑人張敏碑。碑之西有魏征南軍司張詹墓。墓有碑。碑背刊云。白楸之棺。易朽之裳。銅鐵不入。凡器不藏。嗟矣。後人幸勿我傷。自後古墳舊冢。莫不夷毀。而是墓至元嘉初。尚不見發。六年大水。蠻饑。始被發掘。說者言初開金銀銅錫之器。朱漆雕


千疑作萬

刻之飾。爛然有二朱漆棺。棺前垂竹簾。隱以金釘。墓不甚高。而內極寬大。虛設白楸之言。空負黃金之實。雖意固南山。當作錮南山。語出張釋之傳。寧同壽乎。湍水又逕穰縣。為六門陂。漢孝成之世。南陽太守邵信臣以建昭五年。斷湍水立穰西石碣。至元始五年。更開三門。為六石門。故號六門碣也。溉穰新野昆陽三縣五千餘頃。漢末毀廢。遂不修理。晉太康三年。鎮南將軍杜預復更開廣利。加于民。今廢不修矣。六門側猶有六門碑。是部曲主安陽亭侯鄧達等以太康五年立。湍水又逕穰縣故城北。又東南

水經

卷

七



逕魏武故城之西南是建安三年曹公攻張繡之所築也

又東過白牛邑南

湍水自白牛邑南建武中世祖封劉嵩為侯國湍水又東南逕安衆縣故城南縣本宛之西鄉漢長沙定王子康侯丹之邑也湍水東南流湍水注之水出涅陽縣西北岐棘山東南逕涅陽縣故城西

漢武帝元朔四年封路最為侯國係云按史記朝鮮相路人漢兵

至首先降道死其子最王莽之所謂前亭也應劭

曰在涅水之陽矣縣南有二碑碑字紊滅不可復

識云是左桃伯碑列士傳云羊角哀左伯桃相與

寒無計伯桃推衣糧與角哀入樹中而死楚平王賢角哀而嘉伯桃之義以公卿禮葬之涅水

又東南逕安衆縣竭而為陂謂之安衆港魏太祖

破張繡於是處與荀彧書曰繡過吾歸師迫我死

地蓋於二水之間以為泐涉之艱阻也涅水又東

南流注于湍水


又東南至新野縣東入于清

湍水至縣西北東分為鄧氏陂漢太傅鄧禹故宅

其奉朝請西亭侯鄧晨故宅隔陂鄧颺為晨宅略

存焉

諱釋作左伯  
豪若足伯桃  
則道元必采  
其事於下



水經注卷之二十七

均水出浙縣北山南流過其縣之東  
均水發源弘農郡之盧氏縣熊耳山山南即脩陽  
葛陽二縣界也雙峰齊秀望若熊耳因以為名齊  
桓公邵陵之會西望熊耳即此山也太史公司馬  
遷皆嘗登之縣即浙縣之比鄉故言出浙縣北也  
前漢地理志弘農郡有析縣後漢郡國志析縣改屬南陽郡均水又東南流注  
尚不至重複也  
疑有脫誤

按此水皆當作  
均水出浙縣北山南流過其縣之東  
均水發源弘農郡之盧氏縣熊耳山山南即脩陽  
葛陽二縣界也雙峰齊秀望若熊耳因以為名齊  
桓公邵陵之會西望熊耳即此山也太史公司馬  
遷皆嘗登之縣即浙縣之比鄉故言出浙縣北也  
前漢地理志弘農郡有析縣後漢郡國志析縣改屬南陽郡均水又東南流注  
尚不至重複也  
疑有脫誤

均水出浙縣北山南流過其縣之東

均水發源弘農郡之盧氏縣熊耳山山南即脩陽

葛陽二縣界也雙峰齊秀望若熊耳因以為名齊

桓公邵陵之會西望熊耳即此山也太史公司馬

遷皆嘗登之縣即浙縣之比鄉故言出浙縣北也

前漢地理志弘農郡有析縣後漢郡國志析縣改屬南陽郡均水又東南流注

逕其縣下南越南鄉縣又南流與丹水合

又南當涉都邑縣北南入于沔

均水南逕順陽縣西漢哀帝更為博山縣明帝復

曰順陽應劭曰縣在順水之陽今於是縣則無聞

曰縣在朝水之陽今朝水逕其北而不出其南也

蓋邑郭淪移川渠狀改故名舊傳遺稱在今也

又東至新野縣西東入于涇涇當作涇

此水出泚陽東北太胡山東南流逕其縣南泄水從

南來注之


太胡山在泚陽比如東三十餘里廣員五六十里


張衡賦南都所謂天封太胡者也今張衡南都賦云天封大狐列

仙之脈胡與應劭曰泚水出泚陽縣東入蔡經云

泄水從南來然泚陽無泄水蓋悞引壽春之泚泄

耳余以延昌四年蒙除東荊州刺史州治泚陽縣





故城城南有蔡水出南磐石山故亦曰磐石川西北流注于泚非泄水也呂氏春秋曰齊令章子與韓魏攻荆荆使唐蔑應之夾泚而軍欲視水之深淺荆人射之而莫知也有菡一作芻者曰真盛則水淺矣章子夜襲之斬蔑於是水之上也泚水又西澳水注之水北出此丘山東流屈而南轉又南入于泚水按山海經云澳水又北入視不注泚水山中經云與水出奧山東流注于視水余按呂忱字林及難字爾雅並言灤水在泚陽脉其川流所會診其水土津注宜是灤水音藥也泚水又西南歷長岡月城北舊泚

喜林云衛字  
從集古錄作  
正街彈


水又會馬仁陂水水出無陰北山泉流競湊水積成湖蓋地百頃謂之馬仁陂陂水歷其縣下西南竭之以溉田疇公私引列水流遂斷故瀆尚存泚水又南逕會口與緒水枝津合泚水又南與澧水會澧水源出于桐栢山與淮同源而別流西注故亦謂水為派水澧水西北流逕平氏縣故城東北王莽更名其縣曰平善城內有南陽都鄉正衛彈勸碑澧水又西北合澗水水出湖南北山西流北屈逕平氏城西宋本作而北入澧水澧水又西注泚水泚水自下亦通謂之為派水昔漢光武破甄阜

作隸釋

水經注卷之二十一  
梁丘賜於泚水西斬之於斯水也泚水又南趙澧  
二渠出焉泚水又西南流謝水注之水出謝城北  
二源微小至城漸大城周廻側水詩所謂申伯番  
番既入于謝者也世祖建武十三年封樊重少子  
丹為謝陽侯即其國也然則是水即謝水也岸下  
深浚流徐平時人目之為渟澹水城成一作戍又以  
渟澹為日非也其城之西舊棘陽縣治故亦謂之  
棘陽城也謝水又東南逕新都縣左注泚水又西  
南流逕新都縣故城西王莽更之曰新林郡國志  
曰以為新野之東鄉故新都者也

又西至新野縣南入于渚

泚水於岡南西南流戍在岡上泚水又西南與南  
長坂門二水合其水東北出湖陽東隆山當作山  
之西側有漢日南太守胡著碑子琮騎都尉尚湖  
陽長公主即光武之伯姊也廟堂皆以青石為階  
陛廟北有石堂琮之玄孫桂陽太守瑒以延熹四  
年遭母憂於墓次立石祠勒銘于梁石宇傾頽而  
梁宇當作字無毀盛弘之以為樊重之母畏雷室蓋  
傳疑之謬也陸山孫云疑南有一小山山坡一作坂  
有兩石虎相對夾隧道雖處蠻荒全無破毀作制




甚工信為矣。世人因謂之為石虎山。其水西南流，逕湖陽縣故城南。地理志曰：故蓼國也。竹書紀年曰：楚共王會宋平公于湖陽者矣。東城中有二碑，似是樊重碑，悉載故吏人名。司馬彪曰：仲山甫封於樊，因氏國焉。爰自疋陽徙居湖陽。漢志南陽郡有比陽湖陽二縣，此宅陽乃比陽之誤。按樊宏傳云：仲山甫之後，南陽湖陽人也。能治田殖，至三百頃，起廬舍，高樓連閣，波陂灌注，竹木成林，六畜放牧。後漢書樊宏傳云：所起廬舍，皆有重堂高閣，陂渠灌注。又池魚牧畜，有求必給。魚羸梨菓，檀棘桑麻，閉門成市，兵弩器械，噴至百萬。其興工造作，為無窮之功，不可言富擬封君。世

巧

釋

祖之少，數歸外氏，及之長安，受業齋，送甚至世祖。即位，追爵敬侯，詔湖陽為重立廟，置吏奉祠，巡福。章陵常幸，重墓其水四周，城漑城之東南，有若令樊萌中常侍樊安碑，城南有數碑，無字，又有石廟數間，依于墓側，棟宇崩毀，惟石壁而已，亦不知誰之冑族矣。其水南入大湖，湖陽之名縣，藉茲而納稱也。湖水西南流，又與湖陽諸陂散水合，謂之板橋水。又西南與醴渠合，又有趙渠注之。二水上承派水，南逕新都縣故城，東兩瀆雙引，南合板橋水。板橋水又西南與南長水會，水上承唐子襄鄉諸



水經注箋卷第三十  
陂散流也。唐子陂在唐子山西南，有唐子亭。漢光武自新野屠唐子鄉，殺湖陽尉於此。地陂水清，溪光武後以為神淵。西南流於新野縣，與板橋水合。西南注于泚水，又西南流於清水也。

初七日燈下閱

水經注箋卷第三十


漢 桑欽撰 後魏酈道元 注

明 李長庚訂 孫汝澄

朱謀煒箋 李克家全校

淮水

淮水出南陽平氏縣胎簪山東北，過桐栢山。山海經曰：淮出餘山，在朝陽東，義鄉西。尚書導淮自桐栢。地理志曰：南陽平氏縣，王莽之平善也。風俗通曰：南陽平氏縣，桐栢大復山在東南，淮水所出也。淮均也。春秋說題辭曰：淮者均其勢也。釋名





水經注箋卷第三十  
陂散流也唐子陂在唐子山西南有唐子亭漢光武自新野屠唐子鄉殺湖陽尉於是地陂水清潏光武後以為神淵西南流於新野縣與板橋水合西南注于泚水又西南流於清水也

初六曾燈下閱

水經注箋卷第三十

漢 桑欽撰

後魏酈道元注

明 李長庚訂

孫汝澄


朱謀埠箋


李克家全校

淮水

淮水出南陽平氏縣胎簪山東北過桐栢山

山海經曰淮出餘山在朝陽東義鄉西尚書導淮自桐栢地理志曰南陽平氏縣王莽之平善也風俗通曰南陽平氏縣桐栢大復山在東南淮水所出也淮均也春秋說題辭曰淮者均其勢也釋名





祐當作祐


曰淮葦也葦繞楊州北界東至于海也爾雅曰淮為滸然淮水與醴水同源俱導西流為醴東流為淮自潛流地下三十許里東出桐栢之大復山南謂之陽口水南即復陽縣也闕駟言復陽縣胡陽之樂鄉也元帝元延二年置在桐栢大復山之陽故曰復陽也東觀漢記曰朱祐少孤歸外家復陽劉氏山南有淮源廟廟前有碑是南陽郭苞立又二碑並是漢延熹中守令所造文辭鄙拙殆不可觀故經云東北過桐栢也

淮水又東逕義陽縣

縣南對固成山山有水注流數丈洪濤灌山遂成巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡於安昌城又太康記晉書地道記並有義陽郡以南陽屬縣為名漢武帝元光四年封北地都尉衛山為侯國也孫云按史記元狩四年有手衛山封義陽侯九渡水注之水出雞翅山磳澗潛委汭邈九渡矣其猶零陽之九渡水故亦謂之為九渡焉於溪之



淮水又東水字疑注文

東山有一水發自山椒下數丈素湍直注頽波秀壑當作秀女壑可數百丈望之若霏幅練矣下注九渡水

東過江夏平春縣北

淮水又東油水注之

水出縣西南油溪東北流逕平春縣故城南漢和帝建初四年封于全為王國淮水又東曲岸北有一土穴徑尺泉流下注泝流波三丈入于油水亂流南屈又東北注于淮淮水又東北逕城陽縣故城南漢高帝十二年封定侯奚意為侯國孫云按史記奚

意劉成陽侯索隱曰屬汝南王莽之利新也魏城陽郡治

淮水又東北與大木水合

水西出大木山山即晉車騎將軍祖逖自陳留將家避難所居也其水東逕城陽縣北而東入于淮

淮水又東北流左會湖水

傍川西南出窟溪得其源也

淮水又東逕安陽縣故城南江國也嬴姓矣今其地有江亭春秋文公四年楚人滅江秦伯降服出次曰同盟滅雖不能救敢不矜乎春秋僖二年齊宋江黃盟于貫杜注云江國在汝南安陽縣地理志曰漢

水逕注


卷三十一

三

水經注

卷三十一

二百五十二



乃縣之呂后八年封淮南厲王子劉勃為侯國

按史記年表文帝八年淮南厲王子勃封安陽侯王莽之均夏也

淮水又東得澗口水

源南出大潰山東北流翼帶三川亂流北注澗水

又北逕賢首山西又北出東南屈逕仁順城南故

義陽郡治分南陽置也晉太始初以封安平獻王

孚長子望本治在石城山上因梁希侵逼徙治此

城齊司州刺史馬鮮卑不守魏置郢州也昔常珍

奇自懸瓠遣三千騎援義陽行事龐定光屯于澗

水者也後魏書常珍奇者汝南人為宋劉駿司州刺史與薛安都等推立劉子勳故遣

鮮卑南史作  
在梁時

伊馳告長社鎮請降顯祖以珍奇為豫州刺史

南公歲餘珍奇密懷南叛尚書元石自出攻之珍奇乘虛於懸瓠反叛燒城東門斬三百餘人屯於澗水石馳往討擊大破之澗水東南

流歷金山北山無樹木峻峭層峙澗水又東逕義

陽故城北城在山上因倚陵嶺周迴三里是郡昔

所舊治城城南一十五步對門有天井周一百餘

步深一丈東逕鍾武故城南本江夏之屬縣也王

莽之當利縣矣又東逕石城山北山甚高峻史記

曰魏攻冥阨音義曰冥阨或言在郟縣菑山也按

呂氏春秋九塞其一也澗水逕郟縣故城南建武

中世祖封鄧邯為郟縣侯蘇林曰音育

水經注卷三十一

音釋文音

泗水又東逕七井岡南又東北注于淮淮水  
又東至谷口谷水南出鮮金山北流至瑟水注之  
水出西南具山東北逕光淹城東而北逕青山東  
羅山西東北流注于谷水谷水東北入于淮  
又東逕新息縣南


淮水東逕故息城南春秋左傳隱公十一年鄭息  
有違言息侯伐鄭鄭伯敗之者也

淮水又東逕浮光山北  
亦曰扶光山即弋山也逕新息縣故城南應劭曰  
息後徙東故加新也王莽之新德也光武十九年

封馬援為侯國外城北門內有新息長賈彪廟  
前有碑面南又有魏汝南太守程堯碑魏太和中  
蠻田益宗劾域立東豫州以益宗為刺史淮水又  
東合慎縣水水出慎陽縣西而東逕慎陽縣故城  
南縣取名焉

孫按史記索隱曰慎陽屬汝南如淳曰音震闕駟曰合作慎陽永平五年

失印更刻遂誤以水為心漢高帝十一年封樂說為侯國賴陰  
劉陶為縣長政化大行道不拾遺以病去官童謠  
歌曰悒然不樂思我劉君何時復來安此下民見  
思如此應劭曰慎水所出東北入淮慎水又東流  
積為焦陂陂水又東南流為上慎陂又東為中慎



陂又東南為下慎陂皆與鴻郟陂水散流其陂首受淮川左結鴻陂漢成帝時翟方進奏毀之建武中汝南太守鄧晨欲修復之知許偉君曉知水脉召與議之偉君言成帝用方進言毀之尋而夢上天天帝怒曰何故敗我濯子淵是後民失其利時有童謠曰敗我陂翟子威及子覆陂當復明府興復廢業童謠之言將有徵矣

漢書汝南舊有鴻陂大陂郡以為饒成帝時關東數水陂溢為害翟方進為相奏決去陂水有童謠曰壞陂誰翟子威飯我豆食羹芋魁反乎覆陂當復誰遂署都水掾起塘四百餘里百姓得其利陂水散流下合慎水而東南逕息城北又東


逕南入淮謂之慎口淮水又東與申陂水合水承申陂於新息縣北東南流分為二水一水逕潁丘西又屈逕其南南派為蓮湖水南流注于淮淮水又左迤流結兩湖謂之東西蓮湖矣

淮水又東右壑水

宋本右下有合字

水出白沙山東北逕柴亭西俗謂之柴水又東北流與潭溪水合水發潭谷東北流右會柴水柴水又東逕黃城西故弋陽縣也城內有二城西即黃城也柴水又東北入於淮謂之柴口也

淮水又東北申陂枝水注之



水首受陂水於深丘北東逕釣臺南臺在水曲之中臺北有琴臺又東逕陽亭南東南合淮

淮水又東逕淮陰亭北又東逕白城南

楚白公勝之邑也又東北去白亭一十里

淮水又東逕長陵戍南又東青陂水注之

分青陂東瀆東南逕白亭西又南於長陵戍東東南入于淮

淮水又東北合黃水

水出黃武山東北流木陵關水注之水導木陵山

西北流注于黃水黃水又東逕晉西陽城南又東

逕南光城南南光郡治又東北逕高城南故弦高國

也又東北逕弋陽郡漢郡國志汝南郡弋陽縣東

有虞丘郭南有子相廟黃水又東北入于淮謂之

黃口淮水又東北逕襄信縣故城南而東流注之

者也


又東過期思縣北

縣故蔣國周公之後也春秋文公十年楚王田于

孟諸期思公復遂為右司馬楚滅之以為縣漢高

帝十二年以封賁赫為侯國城之西北隅有楚相

孫叔敖廟廟前有碑



淮水又東北淠水注之一作淠

水出弋陽縣南垂山西北流歷陰山關逕二城間舊有賊難軍所謂頓防西北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入淠水又東北注淮俗曰白鷺水

東過原鹿縣南汝水從西北來注之


縣即春秋之鹿上也左傳僖公二十一年宋人爲鹿上之盟以求諸侯於楚建武十五年世祖更封侍中執金吾陰鄉侯陰識爲侯國者也

又東過廬江安豐縣東北決水從北來注之

廬江故淮南也漢文帝十六年別以爲國應劭曰故廬子國也決水自舒蓼北注不於北來也安豐東北注淮者窮水矣又非決水皆誤耳

淮水又東谷水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸爲富陂侯十三州志曰漢和帝永元九年分汝陰置多陂塘以溉稻





故曰富陂縣也。谷水又東於汝陰城東南注。

注下當有

字之

淮水又東北左會潤水

水首受富陂東南流為高塘陂又東積而為陂水東注焦陵陂陂水北出為鰓陂陂水渾漲引瀆北注汝陰四周隍塹下注潁水焦湖東注謂之潤水逕汝陰縣東逕荆亭北而東入

淮水又東北窮水入焉

水出六安國安豐縣窮谷春秋左傳楚救潛司馬沈尹戌與吳師遇于窮谷者也川流泄注于決水

之右北灌安豐之左世謂之豐豐水

當作安豐水亦曰

窮水音戎並聲相近字隨讀轉流結為陂謂之窮

陂塘堰雖淪猶用不輟陂水四分農事用康北流

注于淮京相璠曰今安豐有窮水北入淮淮水又

東為安豐津水南有城故安豐都尉治後立霍丘

戍淮淮中有洲俗號關洲蓋津關所在故斯洲納


稱焉魏書國志有曰司馬景王征母丘儉使鎮西

將軍豫州刺史諸葛誕從安豐津先至壽春儉敗

與小弟秀藏水草中安豐津都尉部民張屬斬之

傳首京都即斯津也

疑衍淮字



又東北至九江壽春縣西泚水洪水合北注之又東  
潁水從西北來流注之

淮水又東左合泚口又東逕中陽亭北爲中陽渡  
水流淺磧可以厲也

淮水又東流與潁口會東南逕倉陵北又東北流逕  
壽春縣故城西

縣卽楚考烈王自陳徙此秦始皇立九江郡治此  
兼得廬江豫章之地故以九江名郡漢高帝四年  
爲淮南國孝武元狩六年復爲九江焉文穎曰史  
記貨殖傳曰淮以北沛陳汝南南郡爲西楚彭城


以東東海吳廣陵爲東楚衡山九江江南豫章長  
沙爲南楚是爲三楚者也

淮水又北左合椒水

水上承淮水東北流逕蠅地南又歷其城東亦謂  
之清水東北流注于淮水謂之清水口者左合椒  
水焉

又東過壽春縣北肥水從縣東北流注之

淮水於壽陽縣西北肥水從城而北入于淮謂之  
肥口淮水又北夏肥水注之水上承沙水於城父  
縣右出東南流逕城父縣故城南王莽之思善也




縣故焦夷之地春秋左傳昭公九年楚公子棄疾  
遷許于夷實城父矣取州來淮北之田以益之伍  
舉授許夷田杜預曰此時改城父爲夷故傳實之  
者也言夷田在濮水西者也然則濮水卽沙水之  
兼稱得夏肥之通目矣漢桓帝永壽元年封大將  
軍梁冀孫桃爲侯國者也夏肥水自縣又東逕思  
善縣之故城南漢章帝章和三年分城父立夏肥  
水又東爲高坡當作又東爲天淙陂水出分爲二  
流南爲肥水北爲雞陂夏肥東流左合雞水水出  
雞陂東爲黃陂又東南流積爲茅陂又東爲雞水

呂氏春秋曰宋人有取道者其馬不進之雞水  
是也雞水又會肥水而亂流東注俱入于淮  
淮水又北逕山碇中謂之碇石

對岸山上結二城以防津要西岸山上有馬跡世  
傳淮南王乘馬昇僊所在也今山之東南石上有  
大小馬跡一十餘所仍今存焉淮水又北逕下蔡  
縣故城東本州來之城也吳季札始封延陵後邑  
州來故曰延州來矣春秋襄公二年蔡成公自新  
蔡遷于州來謂之下蔡也

左傳哀公二年吳洩庸  
如蔡納聘而稍納師師  
畢入衆知之蔡侯告大夫殺公子駟以說哭而遷  
墓冬蔡遷于州來史記楚昭王伐蔡蔡告急於吳



公字下疑脫一

水經注卷之

卷三十一

吳為蔡遠約遷以自近易以相救昭侯私許之吳人來救蔡因遷蔡于州來注云州來在淮南下蔡


縣淮之東岸又有一城下蔡新城也二城對據翼帶淮濱淮水東逕八山北山上有老子廟淮水歷潘城南置潘溪戍戍東側潘溪吐川納淮更相引注又東逕梁城臨側淮川川左有湄城淮水左迤為湄湖淮水又右納洛川於西曲陽縣北水分閭溪北絕橫塘北逕蕭亭東又北鵲甫溪水入焉水出東鵲甫谷西北流逕鵲甫亭南西北流注于洛水北逕西曲陽縣故城東王莽之延平亭也應劭曰縣在淮曲之陽下邳有曲陽故是加西也洛澗


北歷秦墟下注淮謂之洛口經所謂淮水逕壽春縣北肥水縣東北注者也蓋經之謬矣考川定土即實為非是曰洛澗非肥水也

淮水又北逕莫耶山西

山南有陰陵縣故城漢高祖五年項羽自垓下從數百騎夜馳渡淮至陰陵迷失道左陷大澤漢令騎將灌嬰以五千騎追及之於斯縣者也按地理志王莽之陰陸也後漢九江郡治時多虎災百姓苦之南陽宗均為守退貪殘進忠良虎悉東渡江

范曄漢書宋均字叔庠南陽安衆人為九江太守退姦貪進忠善去檻穽虎皆東渡江去據謝承漢





書云南陽宗資祖父均趙明誠金石錄云宗資墓在南陽有天鹿辟邪知宋均當作宗均也

又東過當塗縣北過水從西北來注之克家云過水當作過水

淮水自莫耶山東北逕馬頭城北魏馬頭郡治也

故當塗縣之故城也後魏地形志馬頭郡屬南兗州呂氏春秋曰

禹娶塗山氏女不以私害公自辛至甲四日復往

治水故江淮之俗以辛壬癸甲為嫁娶日也禹娶

在山西南縣即其地也地理志曰當塗侯國也魏

不害以南守尉捕淮陽反者公孫勇者漢以封之

史記年表云魏不害以圍守尉捕淮南反者公孫勇者等封當塗侯在武帝時此宰字誤當作圍漢地理志云南縣屬淮陽郡王莽更名山聚也

漢表作以圍守尉捕及者淮陽胡情封陽侯江喜則以圍番夫捕反者以城父公孫勇者

淮水又東北濠水注之

水出莫耶山東北之溪溪水西北引瀆逕禹墟北

又西流注于淮

淮水又北沙水注之

經所謂蕩蕩渠也淮之西有平阿縣故城王莽之

平寧也建武十三年世祖更封耿阜為侯國郡國

志曰平阿縣有當塗山淮出于荆山之左當塗之

右奔流二山之間西揚濤北注之春秋左傳哀公

十年大夫對孟孫曰禹會諸侯于塗山執玉帛者

萬國杜預曰塗山在壽春東北非也余按國語曰


吳伐楚，嚳會稽，獲骨焉。節專車，吳子使來聘，且問之。客執骨而問之，敢問骨何為大。仲尼曰：丘聞之，昔禹致羣神於會稽之山，防風氏後至，禹殺之，其骨專車，此為大也。蓋丘明親承聖旨，錄為實証矣。又按劉向說苑辯物，王肅之敘孔子廿二世孫孔猛，舊本無廿二字，王肅家猛序云：孔子廿二世孫猛。出先人書家語，並出此事故塗山有會稽之名，考校羣書及方士一作之日，疑非此矣。蓋周穆之所會矣。淮水於荆山北過水，自南注之。又東北逕沛郡義城縣東，司馬彪曰：後隸九江也。

又東過鍾離縣北

世本曰：鍾離，嬴姓也。應劭曰：縣故鍾離子國也。楚滅之，以為縣。春秋左傳所謂吳公子光伐楚，拔鍾離者也。王莽之蠶富也。豪水出陰陵縣之陽亭，北小屈有石穴，不測所窮，言穴出鍾乳，所未詳也。豪水東北流，逕其縣西，又屈而南轉，東逕其城南，又北歷其城東，逕小城而北流，注于淮。

淮水又東逕夏丘縣南

又東，渙水西入九里，注之。渙水又東南流，逕離丘縣故城南。又東，逕承匡城。又東，逕襄邑縣故城南。



故宋之承匡襄牛之地宋襄公之所葬故號襄陵

矣漢地理志襄邑注引圖稱云襄邑宋地本承匡襄陵鄉也宋襄公所葬故曰襄陵秦始皇以承

匡甲濕故徙縣於襄陵謂之襄邑竹書紀年梁惠成王十七年宋

景鼓衛公孫倉會齊師圍我襄陵以竹書紀年校正十八

年惠成王以韓師諸侯師于襄陵縣齊侯使楚景

舍來求成公會齊宋之圍即於此也西有承匡城

春秋會于承匡者也秦始皇以承匡甲濕徙縣於

襄陵更爲襄邑也王莽以爲襄平也漢桓帝建和

元年封梁冀子胡狗爲侯國陳留風俗傳曰縣南

有渙水故傳曰睢渙之間出文章天子郊廟御服

出焉尚書所謂厥篚織文者也渙水又東南逕巴

吾縣故城南又東逕鄆城北春秋襄公元年經書

晉韓厥帥師伐鄭魯仲孫蔑會齊曹邾杞次于鄆

杜預曰陳留襄邑縣東南有鄆城渙水又東南逕

鄆宋本鄆作鄆城北新城南又東南左合明溝溝水自蓬


洪陂東南流謂之明溝下入渙水又逕亳城北帝


王世記曰穀熟爲南亳即湯都也十三州志曰漢

武帝分穀熟置春秋莊公十三年宋公子御說奔

于亳者也渙水東逕穀熟城南漢光武建武二年

封更始子歆爲侯國又東逕楊亭北春秋左氏傳





襄公十二年楚子囊秦庶長無地伐宋師于楊梁以報晉之取鄭也京相璠曰宋地矣今睢陽東南三十里有故楊梁今日陽亭也俗名之曰緣城非矣西北去梁國八十里渙水又東逕沛郡之建平縣故城南漢武帝元年封杜延年為侯國王莽之田平也又東逕鄆縣故城南春秋襄公十年公會諸侯及齊世子光于鄆鄆字誤按三傳皆作會于差漢地志沛郡鄆縣鄆本作為鄆王莽曰贊治今其地鄆聚是也王莽之鄆治矣漢水當作渙水又東南逕費亭南漢建和元年封中常侍沛國曹騰為侯國騰字季興譙人也永

史漢表皆無周應

初中定桓帝策封亭侯此城即其所食之邑也渙水又東逕鉉縣故城南昔吳廣之起兵也使葛嬰下之渙水又東苞水注之出譙城北自汧陂陂水東流逕鄆縣南又東逕鄆縣故城南漢志沛郡有鄆縣又有鄆之曰留城也音多又東逕嵇山北嵇氏故居嵇本姓奚會稽人也先人自會稽遷于譙之鉉縣故為嵇氏取稽字之上以為姓蓋志本也嵇氏譜曰譙有嵇山家于其側遂以為氏縣魏黃初中文帝以鄆城父山桑鉉置譙郡故隸譙焉苞水東流入渙



渙水又東南逕蘄縣故城南漢志蘄縣亦屬沛郡地理志曰

故垂鄉也漢高帝破黥布於此縣舊都尉治王莽

之蘄城也水上有古石梁處遺基尚存渙水又東

逕穀陽縣右會八丈故瀆瀆上承浚水南流注于

渙渙水又東逕穀陽成南又東南逕穀陽故城東

北右與解水會水上承縣西南解塘東北流逕穀

陽城南即穀水也應劭曰城在穀水又東北流注

于渙渙水又東南逕白石戍南逕蚊城南浚水注

之水首受蘄水於蘄縣東南流逕穀陽縣八丈故

瀆出焉又東合長直故溝溝上承蘄水南會于浚

浚水又東南流于浚縣故城北縣有垓一作垓下聚

漢高祖破項羽所在也王莽更名其縣曰育城

應劭曰浚水所出音絞經之絞也浚水又東南入

于淮故應劭曰浚水南入淮淮水又東至嶢石山

潼水注之水首受潼縣西南潼陂縣故臨淮郡之


屬縣王莽改曰成信矣南逕沛國夏丘縣絕蘄逕

夏丘縣故城西王莽改曰歸思也又東南流逕臨

潼戍西又東南至嶢石西南入淮

淮水又東逕浮山

山北對嶢石山梁氏天監中立堰於二山之間迤



天地之心乖民神之望自然水潰淮矣

梁書康綸傳曰魏降

人王足陳計求堰淮水以灌壽陽高祖然之發徐揚人率二十戶取五丁以築之假緬節都督淮上諸軍事并護堰作人及戰士有衆二十萬於鍾離南起浮山北抵礮石依岸以築土合脊於中流天監十四年堰將合淮水漂疾復決潰用鐵數千萬斤沈于堰所伐樹爲井榦填以巨石加土其上士卒死者十七八明年四月堰乃成其長九里下闊百四十丈天監十五年九月淮堰壞死者十餘萬

淮水又東逕徐縣南歷澗水注之

導徐城西北徐陂陂水南流絕斬水逕歷澗水西

東南流注于淮

淮水又東池水注之

水出東城縣東北流逕東城縣故城南漢以數千

騎追羽帥二十八騎引東城因四隕出斬將而去

卽此處也史記孝惠八年封淮南厲王子劉賜爲

侯國孫云按史記孝文八年封淮南厲王地理志于劉良爲東城侯劉賜爲陽周侯

王莽更名之曰武城也池水又東北流歷二山間


東北入于淮謂之池口也

淮水又東斬水注之

水首受睢水於穀熟城東北東逕建城縣故城北

漢武帝元朔四年封長沙定王子劉拾爲侯國王

莽之多聚也斬水又東南逕斬縣疑脫一字縣有大澤



鄉陳涉起兵于此燹火為狐鳴處也南則汶水出焉  
 焉克家云當作八丈故瀆又東北入丈八故瀆出焉  
 又東流南北長直故瀆出焉又東入夏丘縣東絕  
 瀆水逕夏丘縣故城北又東南逕潼縣南又東流  
 入徐縣東絕歷澗又東逕大徐縣故城南又東流  
 注于淮

淮水又東歷客山逕盱眙縣故城西

地理志曰都尉治克家云本志作都尉治漢武帝元朔元年

封江都易王子劉蒙之為侯國王莽更名之曰匡武淮水又東逕廣陵廣歷當作淮陽城北臨泗水咀

于二水之間述征記淮陽太守治自後置戍縣亦  
 有時廢興也

又東北至下邳淮陰縣西泗水從西北來流注之

淮泗之會即角城也左右兩川翼夾二水決入之  
 所謂泗口也


又東過淮陰縣北中瀆水出白馬湖東北注之

淮水右岸即淮陰也城西二里有公路浦昔袁術

向九江將東奔袁譚路出斯浦因以為名焉又東


逕淮陰縣故城北北臨淮水漢高帝六年封韓信

為侯國王莽之嘉信也昔韓信去下鄉而釣於此



處也城東有兩冢西者即漂母冢也周迴數百步  
 高十餘丈昔漂母食信於淮陰信王下邳蓋投金  
 增陵以報母矣東一陵即信母冢也縣有中瀆水  
 首受江于廣陵郡之江都縣縣城臨江應劭地理  
 風俗記曰縣為一都之會故曰江都也縣有江水  
 祠俗謂之伍相廟也子胥但配食耳歲三祭與五  
 岳同舊水道也昔吳將伐齊北霸中國自廣陵城  
 東南築邗城城下掘深溝謂之韓江亦曰邗溟溝  
按揚州志引水經注淮陰縣有中瀆水謂之邗江亦曰韓溟溝  
 湖孫云按左傳吳城邗溝通江淮地理志所謂築水也地理志江

而北至末口淮自承和中江都水斷其水上承歐  
 陽引江入埭六十里至廣陵城楚漢之間為東陽  
 郡高祖六年為荊國十一年為吳城即吳王濞所  
 築也景帝四年更名江都武帝元狩三年更曰廣  
 陵王莽郡曰江平縣曰定安城東水上有梁謂之  
 洛橋中瀆水自廣陵北出武廣湖東陸陽湖西二  
 湖東西相直五里水出其間下注樊梁湖舊道東  
 北出至博芝射陽二湖西北出夾耶乃至山陽矣  
 至承和中患湖道多風陳敏因穿樊梁湖北口  
 注津湖逕渡十二里方達北口直至夾耶與



漢表作劉  
也項伯


中復以津湖多風又自湖之南北口沿東岸一  
里穿渠入北口自後行者不復由湖故蔣濟  
論曰淮湖紆遠水陸異路山陽不通陳穿溝更鑿  
馬瀨百里渡湖者也自廣陸當作廣陵出山陽白馬瀨  
逕山陽城西即射陽縣之故城也應劭曰在射水  
之陽漢高祖六年封楚左令尹項纏為侯國也王  
莽更之曰監淮亭世祖建武十五年封子荆為山  
陽公治此十七年為王國城本北中郎將庾希所  
鎮中瀆又東謂之山陽浦又東入淮謂之山陽口  
有也

又東兩小水流注之

淮水左逕泗水國南故東海郡也徐廣史記音義  
曰泗水國名漢武帝元鼎三年初置都郵四年常  
山憲王子思王商為國地理志曰王莽更泗水郡  
為順水陵縣為生麥漢地理志王莽改泗水國為水順改陵縣為生麥凌  
水注之水出凌縣東流逕其縣故城東而東南流  
注于淮寔曰口也應劭曰凌水出縣西南入淮即  
經所謂之小水者也

又東至廣陵淮浦縣入于海

應劭曰浦岸也蓋側淮瀆故受此名淮水出縣故



城王莽更名之口淮敬淮水於縣枝分北為游水  
歷胸縣與沐合又匡匡字譌木詳胸山西山側有胸縣  
故城秦始皇三十五年於胸縣立石海上以為秦  
之東門崔琰述初賦曰倚高艦以周眇今觀秦門  
之將將者也東北海中有大洲謂之郁洲山海經  
所謂郁山在海中者也言是山自蒼梧徙此云山  
上猶有南方草木今郁州治故崔季珪之敘述初  
賦言郁洲者故蒼梧之山也心悅而恠之聞其上  
有僊土石室也乃往觀所見一道人獨處休休  
然不談不對顧非已及也即其賦所云吾夕日行


濟下郁洲者也游水又北逕東海利城縣故城之  
東故利鄉也漢武帝元朔四年封城陽共王子嬰  
為侯國孫云按史記劉嬰封利鄉侯王莽更之曰流泉游水又

北歷羽山西起行地理志曰羽山在祝其縣東南  
尚書曰堯時曰四岳得舜進十六族殛鯀于羽山  
是為禱杙與驩堯三苗共工同其罪故世謂之四

凶鯀既死其神化為黃龍黃龍字誤晉語作黃龍韋昭注云能似熊宋庠

音釋云能乃來反字林云能足似鹿又為鼈類東海人祭禹廟不用熊白及鼈為膳汲冢晉春秋云平公疾夢朱厭窺屏則又變能為猨矣入于羽淵是為夏郊三代祀


之故連山易曰有崇伯鯀伏于羽山之野者是也





疑有脫文

游水又北逕祝其縣故城西春秋經書夏公會齊侯于夾谷左傳定公十年公及齊平會于祝其實夾谷也服虔曰地二名王莽更之曰猶亭縣之東有夾口浦游水左逕瑯琊卽丘縣故城之西地理志曰莒子始起于此後徙莒有鹽官故世謂之南莒也游水又東北逕贛榆縣北東側巨海有秦始皇碑在山上去海一百五十步潮水至加其上三丈去則三尺所見東北傾石長一丈八尺廣五尺厚三尺八寸一行一十二字游水又東北逕紀鄆故城南春秋昭公十九年齊伐莒莒子奔紀鄆莒

之婦人怒莒子之害其夫老而託紡焉取其纒而夜緹緹絕鼓譟城上人亦譟莒共公懼啓西門而出齊遂入紀故紀子帛之國穀梁傳曰吾伯姬婦謝云婦字衍歸于紀者也杜預曰紀鄆地二名東海贛榆縣東北有故紀城卽此水也游水東北入海舊吳之燕岱常泛巨海憚其濤嶮更沿溯是瀆由是出地理志曰游水自淮浦北入海爾雅曰淮別爲許游水亦枝稱者也





國家圖書館, NATIONAL CENTRAL LIBRARY, TAIWAN, P.O.

水滸傳

卷三十一

一百六十一

九月初七日乙亥

